

玉函山房輯佚書

玉函山房輯佚書目

卷十

經編尚書類

尚書歐陽章句一卷

漢歐陽和伯

尚書大夏侯章句一卷

漢夏侯勝

尚書小夏侯章句一卷

漢夏侯建

尚書古文訓一卷

漢賈逵

缺

尚書馬氏傳四卷

漢馬融

尚書歐陽章句一卷漢歐陽生撰生字和伯千乘人
事伏生授兄寬寬授歐陽生子至曾孫高子陽爲博
士高孫地餘長賓以太子中庶子授太子後爲博士
論石渠地餘少子政爲王莽講學大夫由是尚書世
有歐陽氏之學漢書儒林有傳漢藝文志經二十九
篇注大小夏侯二家歐陽經三十二卷歐陽章句三
千一卷歐陽說義二篇隋唐志皆不著目佚已久今
從諸書所引輯錄又攷儒林傳林尊字長賓濟南人
事歐陽高爲博士至太子太傅授平陵平當陳翁生

由是歐陽有平陳之學又後漢書揚震傳震孫賜通
尚書桓君章句桓君名郁治歐陽尚書者也茲取平
當楊賜引書語亦並輯入其他引三家及今文家說
不能區別各輯錄之鄭康成書贊譏歐陽氏失其本
義鄭師祖孔氏古文學故有此論然當古文未顯之
時抱守殘編此爲功首兩漢歐陽之學視夏侯爲盛
似不皆疾其蔽冒猶復疑惑未悛者學非康成固未
可輕議之也歷城馬國翰竹吾甫

尚書歐陽章句

漢 歐陽生 撰

虞夏書

尚書大傳首
題虞夏傳

堯典

克明俊德以親九族

昔者帝堯南面而治克明俊德以親九族而化及

萬國

漢書平當傳案儒林傳平當
傳歐陽之學據輯後似此

九族乃異姓有屬者父族四五屬之內爲一族父

女昆弟適人者與其子爲一族亡女昆弟適人者

與其子為一族亡之女子子適人者與其子為一

族母族三母之父姓為一族母之母姓為一族母

女昆弟適人者為一族妻族二妻之父姓為一族

妻之母姓為一族

春秋左傳桓六年孔穎達正義引吳義今戴禮尚書歐陽說

又書正義引夏侯氏

歐陽說云九族者父族四母族三妻族二皆據異姓有服

欽若昊天

春日昊天夏日蒼天秋日旻天冬日上天總為皇

天

周禮春官大宗伯賈公彥疏詩王風黍離正義引上四句

遂類于上帝

周禮秋官大行人鄭元注史記五帝本紀封禪書漢書王莽傳引書並作遂

類祭天名也以事類祭之奈何天位在南方就南

郊祭之是也

太平御覽卷五百二十七引五經異義今尚書歐陽說詩周頌桓正義

引無上句

禮記王制正義

天者以事類祭之詩大雅皇矣正義引夏侯

陽說以事類祭之在

南方就南郊祭之

湮于六宗

尚書大傳作湮

六宗者上不及天下不及地傍不及四時居中央

恍惚無有神助陰陽變化有益於人故郊祭之

禮

春官大宗伯疏引異義今尚書歐陽夏侯說禮記祭法正義亦引異義今尚書歐陽夏侯說作上及天下及地旁及四方中央恍惚助陰陽變化有益於人也又漢書郊祀志引歐陽大小夏侯三家說

六宗皆曰上不及天下不及四旁不及四方在六
者之間助陰陽變化賁一而名六後漢書祭祀志
章懷太子注引歐陽和伯夏侯建曰六宗上不謂
天下不謂地傍不謂四方在六者之間助陰陽變
化者

伯禹作司空

天子三公一曰司空二曰司馬三曰司徒九卿二

十七大夫八十一元士凡百二十在天為星辰在

地為山川

虞世南北堂書鈔卷五十引五經異義今尚書夏侯歐陽說末句作在天為山

川孫氏星行尚書今古文注疏曰當是
在天為星辰在地為山川脫文據補

咎繇

漢書五行志師古注引作咎繇

天命有德五服五章哉

乘輿備文日月星辰十二章

後漢書與服志孝明皇帝永平二年制

有司采周官禮記尚書詩乘輿服從歐陽氏說據漢志補

弼成五服至于五千

中國方五千里

禮記王制正義引異義今尚書歐陽夏侯說

商書

微子

我舊云孩子王子不出

紂爲孩子之時微子睹其不善之性性惡不出衆

庶長大為亂不變故云也

王充論衡本性篇引微子並說義段氏王裁尚

書撰異曰按此本文尚書刻作孩其說如此也

周書

秦誓

正稽古建功立事可以永年傳於亡窮

漢書平當傳引書師古曰

今文秦誓之辭

牧誓

如虎如熊如豺如螭

史記周本紀引作如虎如熊如豺如鼉徐廣注鼉與螭同依文

選注引歐陽說作螭

螭猛獸也

文選班固西都賦注引歐陽尚書說

鴻範

尚書大傳史記宋世家並作鴻

一曰水二曰火三曰木四曰金五曰土

肝木也心火也脾土也肺金也腎水也

禮記月令正義引

義今尚書歐陽說

金滕

秋大熟未獲天大雷電以風禾盡偃大木斯拔邦人

大恐

成王狐疑於周公欲以天子禮葬公公人臣也欲

以人臣禮葬公公有王功狐疑於葬周公之間天

大雷雨動怒示變以彰聖功

論衡感類篇引書及儒者之說

王出郊天止雨反風禾則盡起

論衡作天止雨

開匱得書覺悟泣過決以天子禮葬公出郊觀變

天上雨反風禾盡起

同上段氏曰皆今文家說

酒誥

成王若曰

王年長骨節成立

正義引三家

梓材

聖人有王開賢厥率化民

此言賢人亦壯聖於禮義故能開賢其率化民化

民須禮義禮義須文章行有餘力則以學文能學

文有力之驗也

論衡効力篇引梓材及此解孫氏星衍曰此今文說以戕爲強以宥

爲有者

君奭

在昔上帝厥亂勅寧主之德

禮記緇衣君奭曰在昔上帝厥亂勅寧主之德

鄭元注引今博士讀

帝清問下民

謂帝為天

趙岐孟子注孫氏星衍曰此今文歐陽夏侯異說也

三后成功惟殷于中

皐陶不與焉黜吝之也

後漢書楊震傳震係賜引書案賜通尚書桓君章

句即歐陽尚書也

天齊乎人假我一日

夫善不妄來災不

者心有所惟意有所想

雖未形顏色而五星以之推移陰陽為其變化以

此而觀天之與人豈不符哉尚書曰天齊乎人假

我一日是其明徵也

同上揚賜上封事引書

默辟疑赦共罰百率

史記周本紀置
作默銀作率

尚書大夏侯章句一卷漢夏侯勝撰勝字長公東平人官至諫大夫事蹟詳漢書本傳又儒林傳云其先夏侯都尉從濟南張生受尚書以傳族子如昌始昌傳勝勝又事同郡高卿高卿兒寬門人勝傳從兄子建由是尚書有大小夏侯之學漢藝文志經二十九卷大小夏侯二家大小夏侯章句各二十九卷大小夏侯解故二十九篇今並佚袁輯爲卷攷儒林傳周堪孔霸俱事大夏侯堪授牟卿及長安許商長伯霸傳子光由是大夏侯有孔許之學又五行志載夏侯

始昌通五經善推五行傳以傳族子夏侯勝下及許
商皆以教所賢弟子其傳與劉向同則子政與大夏
侯亦一家之學茲併取孔光劉向所引書義輯人其
說多與古文殊異固不止囑鐵柳穀已也歷城馬國
翰竹吾甫

尚書大夏侯章句

漢夏侯勝撰

虞夏書

尚書大傳首
題虞夏傳

堯典

克明俊德以親九族

九族者父族四母族三妻族二皆據異姓有服

孔

達正義引夏
侯歐陽說

敬授民時

古者有主四時者主春者張昏而中可以種穀上

告於天子下布之民主夏者大火昏而中可以種
 黍菽上告於天子下布之民主秋者虛昏而中可
 以種麥上告於天子下布之民主冬者昴昏而中
 可以斬伐田獵蓋藏上告於天子下告之民故天
 子南面視四星之中知民之緩急急則不賦籍不
 舉力役書曰敬授民時劉向說苑辨物篇案漢書五行志夏侯始昌以五
 行志傳夏侯勝其傳與劉向同則向與
 大夏侯為一家之學據輯後併放此

宅岬鐵

正義引夏侯等書

度西曰柳穀

正義引夏侯等書宅岬夷為宅岬鐵味谷曰柳谷案周禮天官筮人鄭元注作

度西曰顧容賈公彥疏云是類
南伏生書知夏侯谷亦作穀

在璿璣玉衡以齊七政

璿璣謂北辰勾陳樞星也以其魁杓之所指二十

八宿爲吉凶禍福天文列舍盈縮之古各以類爲

驗

說苑辨
物篇

遂類于上帝

月禮秋官大行人注史記五帝本
紀封禪書漢書王莽傳引並作遂

類祭天者以事類祭之在南方就南郊祭之

禮記
王制

正義詩大雅皇矣正義並引夏侯谷

陽說一引上句一引以事類已下

湮于六宗

尚書大
傳作湮

六宗上不及天下不及墜旁不及四方在六者之

間助陰陽變化實一面名六

漢書郊祀志引歐陽大小夏侯三家說又

周禮春官大宗伯賈公彥疏引吳義今尚書歐陽

夏侯說六宗者上不及天下不及地旁不及四時

居中央恍惚無有神助陰陽變化有益於人故郊

祭之又禮記祭法正義亦引吳義今尚書歐陽夏

侯說作上及天下及地旁及四方中

央恍惚助陰陽變化有益於人也

望秩于山川徧于羣神

說苑辨物篇引書

咨十有二牧曰食哉惟詩柔遠能邇

牧者所以辟四門明四目達四聰也是以近者親

之遠者安之

說苑君道篇

伯禹作司空

天子三公一曰司徒二曰司馬三曰司空九卿二

十七大夫八十一元士凡百二十在天為星辰在

地為山川

虞世南北堂書鈔卷五十引五經異義今尚書夏侯歐陽說末句作在天為山

川孫氏星衍尚書今古文注疏曰當是

咎繇謬

漢書師古注引阜陶謬作咎繇謬

知人則哲

漢書五行志作哲

哲智也能知其材則能官之所以為智也

漢書五行志

案班固作五行志因於夏侯勝所傳鴻範五行傳

天命有德五服五章哉

三公諸侯用山龍九章九卿以下用華蟲七章皆

備五采

後漢書與服志孝明皇帝永平二年初詔有司采周官禮記尚書皋陶篇乘輿服從

歐陽氏說公卿以下從大

小夏侯氏說據漢志補

毋若丹朱敖

帝舜戒伯禹

漢書劉向傳上奏

弼成五服至于五千

中國方五千里

禮記王制正義引吳義今尚書歐陽夏侯說

象刑旁施惟明

劉向新序節士篇引諸

鳥獸鵲鵲鵲韶九成鳳皇來儀

君子辟神也觀彼威儀遊燕陶閒有似鳳也書曰

鳥獸鵲鵲鳳皇來儀此之謂也

說苑辨物篇

舜命九官濟濟相讓和之至也衆賢和於朝則萬

物和於野故鵲韶九成鳳皇來儀擊石拊石百獸

率舞

漢書劉向傳

商書

般庚

般庚殷之及王

漢書孔光傳案漢儒林傳孔霸子光事牟卿至丞相大夏侯有孔

尚書大夏侯

四如奴館補校

許之學據此則孔光引書皆大夏侯之佚說後倣此

優賢揚歷

正義引夏侯等書心腹腎腸作憂賢陽案文選左太冲魏都賦優賢管於揚歷張

載注尚書般庚曰優賢揚歷歷試也魏志管寧傳

優賢揚歷垂聲千載裴松之注今文尚書優賢揚

歷謂揚其所歷試皆並舊說引之段氏王裁尚書

撰異據此以訂正義曰憂優之誤腎賢之誤陽揚

之誤

歷試也

魏都賦謂揚其所歷試魏志管寧傳張載注

高宗彤日

天既付命正厥德

言正德以順天也

漢書孔光傳引書及此解

微子

我嘗云孩子王子不出

紂爲孩子之時微子睹其不善之性性惡不出衆

庶長大爲亂不變故云也

王充論衡本性篇段氏王裁曰按今文尚書

刻作孩其說如此也

周書

泰誓

附下而罔上者死附上而罔下者刑與罔國政而無

益於民者退在上位而不能進賢者逐

說苑臣術篇引泰誓洪邁

尚書人以爲證

五經館補校

卷一

筆卷一

此所以勸善而黜惡也

說苑臣術篇

鴻範

尚書大傳史記宋世宋並作鴻

羞用五事

漢書孔光傳引書

建用皇極

同上

羞用五事建用皇極如貌言視聽思失大中之道

不立則咎徵薦臻六極屢降皇之不極是謂大中

不立

漢書孔光傳

不偏不黨王道蕩蕩

說苑至公篇引書

言至公也

說苑至公篇

咎徵

臣之有作威作福害于而家凶于而國

漢書劉向傳引書

天右與王者故災異數見以譴告之欲其改更若

不畏懼有以塞除而輕忽簡誣則凶罰加焉其至

可必

漢書孔光傳引師說

大誥

尚書大傳大誥在金縢前

天棗謹辭

言誠道天輔之也

漢書孔光傳引書及此解

金縢

秋大熟未穫天大雷電以風禾則盡偃大木斯拔邦人大恐

成王狐疑於周公欲以天子禮葬公公人臣也欲

以人臣禮葬公公有王功狐疑於葬周公之間天

大雷雨動怒示變以彰聖功

論衡感類篇引書及儒者之說

王出郊天止雨反風禾則盡起

論衡作天止雨

開匱得書覺悟泣過決以天子禮葬公出郊觀變

天止雨反風禾盡起

同上段氏曰皆今文家說

康誥

惟文王之敬忌

孔子曰大哉文王之道敬慎恭己而虞芮自平故

書曰文王之敬忌

說苑君道篇

酒誥

成王若曰

王年長骨節成立

正義引三家

梓材

彊人有王開賢厥率化民

此言賢人亦壯彊於禮義故能開賢其率化民化
民須禮義禮義須文章行有餘力則以學文能學
文有力之驗也論衡効力篇引梓材及此解孫氏
星衍曰此今文說以收爲彊以有
者爲有

君夷

在昔上帝厥亂勸寧王之德

禮記緇衣君夷曰在昔
上帝周田戲文王之德

鄭元注引
今博士讀

顧命

畢協賞罰

誅賞者所以別賢不肖也故誅賞不可以繆誅賞

繆則善惡亂矣書曰畢協賞罰說苑政理篇

甫刑

臙宮劓割頭庶刺正義引夏侯等書劓則劓刺作臙宮云云

帝清問下民

謂帝爲天趙岐孟子注孫氏星衍曰此今文歐陽夏侯異說也

鯀辟疑赦其罰百率史記周本紀墨作鯀緩作率

古以六兩爲率周禮天官職金疏引歐陽夏侯說

秦誓

雖則云然尚猷詢茲黃髮則罔所愆

秦穆公敗其師曰黃髮之言則無所愆美用老人

之言以安國也

新序雜事五

惟諛諛善諛言俾君子易忘而況乎我多有之

春秋公羊

文十二年傳又劉向九歎諛人諛諛王逸注引尚書諛諛言史記二王世家齊王策俾君子忘川

東誓語與公羊合

段氏曰今文也

尚書小夏侯章句一卷漢夏侯建撰建字長卿勝從
父子師事勝及歐陽高官至太子少傅事蹟見漢書
夏侯勝傳及儒林傳勝傳謂建從五經諸儒問與尚
書相出入者牽引以次章句具文飾說勝非之曰建
所謂章句小儒破碎大道建亦非勝爲學疎略難以
應敵建卒自顯門名經此夏侯一家授受而各分門
戶也漢藝文志經二十九卷大小夏侯二家大小夏
侯章句各二十九卷大小夏侯解故二十九篇今與
大夏侯書並佚輯錄一帙引者率與歐陽同稱其稱

夏侯者又不顯標大小惟據所引分繫三家書內攷
儒林傳張山拊字長賓平陵人事小夏侯建授同縣
李尋鄭寬中少君山陽張無故子儒信都秦恭延君
陳留假倉子騭由是小夏侯有鄭張秦假李氏之學
今諸家惟李尋有傳所述經義皆小夏侯之佚說並
取編輯雖非原文而確有師授其與大夏侯殊旨者
見一班已歷城馬國翰竹吾甫

尚書小夏侯章句

漢夏侯建撰

虞夏書

尚書大傳首
題虞夏書

堯典

克明俊德以親九族

九族者父族四母族三妻族二皆據異姓有服孔

達正義引夏

侯歐陽說

宅嵎鉞

正義引夏
正義等書

度西曰柳穀

正義引夏侯等書宅嵎東為宅嵎鉞味
谷曰柳谷案周禮天官縫人鄭元注作

度西曰柳穀賈公彥疏云是濟南伏生書知夏侯谷亦作穀矣

遂類于上帝

周禮秋官大行人注史記五帝本紀封禪書漢書主莽傳引並作遂

類祭天者以事類祭之在南方就南郊祭之

禮記王制

正義詩大雅皇矣正義並引夏侯歐陽說一引上句一引以事已下

湮于六宗

尚書大傳作湮

六宗上不謂天下不謂地傍不謂四方在六者之

間助陰陽變化也

後漢書祭祀志章懷太子注引歐陽和伯夏侯建又漢書郊祀

志引歐陽大小夏侯三家說謂皆作及地作墜變化下有實一而名六句又周禮春官大宗伯賈公彥疏引吳義今尚書歐陽夏侯說六宗者上不及天下不及地傍不及四時居中央恍惚無有神助

陰陽變化有益於人故郊祭之又禮記祭法正義亦引異義今尚書歐陽夏侯說作上及天下及地旁及四方中央恍惚助陰陽變化有益於人也

伯禹作司空

天子三公一曰司徒二曰司馬三曰司空九卿二十七大夫八十一元士凡百二十在天為星辰在

地為山川虞世南北堂書鈔卷五十引五經異義今尚書夏侯歐陽說末句作在天為山

山孫氏星衍尚書今古文注疏曰當是

在天為星辰在地為山川脫文據補

咎繇謨

漢書五行志咎繇謨古

天命有德五服五章哉

三公諸侯用山龍九章九卿以下用華蟲七章皆

備五采

後漢書輿服志孝明皇帝永平二年詔有司采周官禮記尚書皋陶篇乘輿服從

歐陽氏說公卿以下從大

小夏侯氏說據漢志補

天聰明

蓋言紫宮極樞通位帝紀太微四門廣開大道五

經五緯尊術顯士翼張舒布燭臨四海少微處士

爲比爲輔故帝廷女宮在後聖人承天賢賢易色

取法於此天官上相上將皆顯面正朝憂責甚重

要在得人得人之效成敗之機不可不勉也

漢書李尋

傳按引治尚書陸張山推傳

小夏侯氏之學據輯後做此

鄭成五服至于五千

中國方五千里

禮記王制正義引異義今尚書歐陽夏侯說

商書

般庚

優賢揚歷

正義引夏侯等書心腹腎腸作憂賢陽宋文憲左太冲魏都賦優賢者於揚歷張

載注尚書般庚曰優賢揚歷歷試也魏志管寧傳優賢揚歷垂聲千載裴松之注今文尚書曰優賢

揚歷謂揚其所歷試皆並舊說引之段氏玉琰據此訂正義曰憂優之誤腎賢之誤陽揚之誤

歷試也

魏都賦謂揚其所歷試魏志管寧傳張載注

尚書

三叔姬館補校

微子

我舊云孩子王子不出

紂爲孩子之時微子睹其不善之性性惡不出衆

庶長大爲亂不變故云也

王充論衡木性篇段氏玉裁曰按此今文尚書

刻作孩其說如此也

周書

鴻範

尚書大傳史記宋世家並作鴻

水曰潤下

五行以水爲本其星立武癸女天地所紀終始所

生水爲準平王道公正脩明則百川理落脈通偏
黨失綱則滯溢爲敗書云水曰潤下陰動而卑不
失其道天下有道則河出圖洛出書

漢書李尋傳

金滕

秋大熟未穫天大雷電以風禾盡偃大木斯拔邦人
大恐

成王狐疑於周公欲以天子禮葬公公人臣也復
以人臣禮葬公公有王功狐疑於葬周公之間天
大雷雨動怒示變以彰聖功

論衡感類篇引書及儒者之說

王出郊天止雨反風禾則盡起

論衡作天止雨

開墾得書覺悟泣過決以天子禮葬公出郊觀變

天止雨反風禾盡起

同上按氏曰皆今文家說

酒誥

成王若曰

王年長骨節成立

正義引三家

梓材

彊人有王開賢厥率化民

此言賢人亦壯彊於禮義故能開賢其率化民化

民須禮義禮義須文章行有餘力則以學文能學

文有力之驗也

論衡効力篇引梓材及此解孫氏是衍曰此今文說以戠爲彊以有

爲有老

洛誌

佻來以圖

漢書劉向傳引書

君夷

在昔上帝厥亂勸寧王之德

禮記緇衣君夷曰在昔上帝周田觀文王之德

鄭元注引今博士讀

甫刑

順宮剗割頭庶刺

正義引夏侯等書

帝清問下民

謂帝為天

趙岐五子注孫氏星衍曰此今文歐陽夏侯異說也

黜辟疑赦其罰百率

史記周本紀聖作黜錢作率

古以六兩為率

周禮天官職金疏引歐陽夏侯說

秦誓

惟譏諉善諄言俾君子易忘而沉乎我多有之

春秋公羊

文十二年傳段氏曰今文也

昔秦穆公說諉諉之言任佗佗之勇

漢書李

尚書馬氏傳四卷後漢馬融撰融有周易傳已著錄
後漢書儒林傳云扶風杜林傳古文尚書同郡賈逵
爲之作訓馬融作傳隋志尚書十一卷馬融注唐志
馬融傳十卷今佚茲從釋文正義史記集解等採輯
分爲三卷正義謂馬鄭之徒百篇之序爲一篇隋志
較唐志多一卷者卽書序也更別輯錄合爲四卷夫
季長治古文學而所注止今文二十九篇序謂太誓
後得頗以神怪爲疑然觀注中佚說亦止是今文太
誓其本多異字蓋典校秘府時能見古文真本間有

參三家今文而用之者以視僞孔傳判霄壤矣且康
成之學淵源於馬氏參攷鄭義多與之同宜乎雅才
好博與衛賈並見稱許也歷城馬國翰竹吾甫

尚書傳序

後漢 馬融 撰

上古有虞氏之書故曰尚書

孔安國書序
孔穎達正義

經傳所引太誓太誓並無此文

堯典正義 章如愚
山堂考索續集卷四

太誓後得案其文似若淺露八百諸侯不名自來不

期同時不謀同辭及火復於上至于王屋流爲鵬至

五以穀俱來舉火神怪得無在子所不語中乎又春

秋引太誓曰民之所欲天必從之國語引太誓曰朕

夢協朕卜襲子休祥戎商必克孟子引太誓曰我武

惟揚侵于之驅取彼凶殘我伐用張于湯有光孫卿
 引太誓曰獨夫受禮記引太誓曰予克受非予武惟
 朕文考無罪受克予非朕文考有罪惟予小子無良
 今文太誓皆無此語吾見書傳多矣所引太誓而不
 在太誓者甚多弗復悉記略舉五事以明之亦可知
 矣孔序正義 太誓正義 春秋襄三十一年正義
引無入百至中乎 林之奇尚書全解卷二十二
蔡沈書集傳卷四 鄭樵六經與經卷二 章
如愚山堂考索續集卷五 王應麟玉海卷三十
 七

逸十六篇絕無師說

堯典正義 山堂考索續集卷四

尚書馬氏傳卷一

後漢 馬融 撰

虞夏書

正義云馬融鄭康成王肅與劉向別錄皆曰虞夏書

有虞氏爲書之初耳

正義

堯典

曰若稽古帝堯曰放勳

順考古道

魏志高貴鄉公紀引賈馬

放勳堯名

陸德明釋文

欽明文思

威儀表備謂之欽照臨四方謂之明經緯天地謂

尚書馬氏傳卷一

一 如煖館補校

之文道德純備謂之思釋文

以親九族

上自高祖下至元孫凡九族

釋文引馬鄭

乃命羲和

羲氏掌天官和氏掌地官四子掌四時

釋文王應麟小學

紺珠此命羲和者命爲天地之官下云分命申命

爲四時之職天地之與四時於周則冢宰司徒之

屬六卿是也

正義引馬鄭

宅嵎夷曰暘谷

隅海隅也夷萊夷也賜谷海隅夷之地名

釋文毛居正

六經正義卷二

寅賓出日平秩東作

釋文平馬本作華

賓從也華普庚反使也

釋文

日中星鳥以殷仲春

古制刻漏晝夜百刻日中宵中則晝夜各五十刻

正義陳大猷書集傳或問卷上王天與尚書

纂傳卷一詩齊風東方未明正義王洵卷十

一六經天文編卷上

日永星火以正仲夏

日長則晝漏六十刻夜漏四十刻

正義尚書集傳或問卷上

尚書纂傳卷一

詩東方未明正義

史記五帝本紀裴駰集解

王

海卷十一

六經天文編卷

上

黃淺納日

釋文錢為作淺引書作黃淺云馬融讀

淺在演切滅也

丁度集韻上聲注

滅猶沒也

釋文

葦在朔易日短星昴以正仲冬

釋文

日短則晝漏四十刻夜漏六十刻

正義尚書集傳或問卷上

尚書纂傳卷一

詩東方未明正義

星鳥星火謂

王

海卷十一

六經天文編卷

正在南方春分之昏七星中仲夏之昏心星中秋

分之昏虛星中冬至之昏昴星中皆舉正中之星
不爲一方盡見舉仲月以統一時

正義
馬鄭

厥民隩鳥獸氄毛

隩煖也氄溫柔貌

釋文 尚書
全解卷一

帝曰疇咨若時登庸

羲和爲卿官堯之末年皆以老死庶績多闕故求

賢順四時之職欲用以代羲和

正義

胤子朱啓明

胤嗣也

釋文 帝之胤子曰朱也
正義

尚書馬氏傳卷一

三知館校

帝曰吁罔庸可乎

釋文訟馬本作庸

帝曰罔咨若予采

采官也

釋文

共工方鳩倖功

倖具也

同上

僉曰於繇哉

繇臣名禹父也

釋文史記五帝本紀集解

方命圮族

方如字放也

釋文

堯以大聖知時運當然人力所不能治下民其咨

亦當憂勞屈己之是從人之非遂用于鯨

正義

朕在位七十載汝能庸命異朕位

朕我也巽讓也

文釋

曰虞舜

舜諡也舜死後賢臣錄之臣子爲諱故變名言諡

文釋

釐降一女干媾汭

水所入曰泗媯泗媯水之曲

郗道元水經注卷四太平御覽卷六十

四羅秘路史國名紀卷七

嶺嶽五典

嶽美也釋文

賓于四門四門穆穆

四門四方之門諸侯羣臣朝者舜賓迎之皆有美

德也史記五帝本紀集解

納于大麓

麓山足也釋文引馬鄭

乃言底可績

底定也

釋文

正月上日

上日朔日也

史記五帝本紀集解

受終于文祖

文祖天也天爲文萬物之祖故曰文祖

釋文

在璇機玉衡以齊七政

璇美玉也機渾天儀可轉旋故曰機衡其中橫筭所以觀星宿也以璇爲機以玉爲衡蓋貴天象也

史記天官書司馬貞索隱正義引渾天以下篇作

旋句次選李蕭遠運命論李善注引渾天儀可轉

引作璇機為渾儀七政者北斗七星也各有所主

第一曰主日法天第二曰主月法地第三曰命火

謂熒惑也第四曰煞土謂填星也第五曰伐水謂

辰星也第六曰危木謂歲星也第七曰罰一作金

謂太白也日月五星各異故名曰七政也史記天官書索

隱玉海卷二引作北斗七星各有所主一日主

日法天二曰主月法地三曰火熒惑四曰土填五

日水辰六曰木歲七曰金太白日月星皆以璿機
玉衡度知其盈縮進退失政所在聖人謙讓德不

自安視璿機玉衡以驗齊日月五星行度知其政

是與否重密己之事也正義

肆類于上帝

上帝太一神在紫微宮天之最尊者釋文

禋于六宗

禋精意以享也六宗天地四時也萬物非天不覆

非地不載非春不生非夏不長非秋不收非冬不

藏此其謂六宗也正義釋文尚書全解卷二

書祭志劉昭注杜佑通典卷四十四王應麟小學紺珠卷九玉海卷一百二羣書攷索

尚書馬氏傳卷上
六經經義補校

卷三十五

馬端臨文獻通考

卷八十一

路史餘論卷五

揖五瑞既月乃日觀四岳羣牧班瑞于羣后

釋文馬作揖

揖斂也

釋文

五瑞公侯伯子男所執以為瑞信也堯

將禪舜使羣牧斂之使舜親往班之

史記五帝本紀集解

一月束巡守至于岱宗柴

舜受終後五年之二月

史記五帝本紀集解

柴祭時積柴加

牲其上而燔之

釋文

同律度量衡

律法也

釋文王

海卷六

修五禮五玉三帛二生一死贊如五器

五禮吉凶軍賓嘉也三帛三孤所執也贊二生羔

雁卿大夫所執一死雉士所執五器上五玉史記五帝

本紀集解

卒乃復

五玉禮終則還之三帛以下不還也同上

至于北岳如初釋文如西禮馬本作如初

歸格于藝祖用特

藝禰也釋文

五載一巡守羣后四朝

四面朝于方岳之下同上

肇十有二州

禹平水土置九州舜以冀州之北廣大分置并州

燕齊遼遠分燕置幽州分齊為營州於是為十二

州也在九州之後也史記五帝本紀集解通典卷一百七十二引自末句

尚書全解卷二玉海卷十四並引至為營州玉海卷十七有于是為十二州句王應麟通鑑地理通釋卷一引無下二句太平御覽卷一百五十七引范甯注略同

象以典刑流宥五刑鞭作官刑扑作教刑

言咎繇制五常之刑無犯之者但有其象無其人

也流放宥寬也

史記五帝本紀集解

三宥也

釋文

一曰幼少二

曰老耄三曰蠢愚五刑墨劓剕宮大辟官司為辦

治官事者為刑

史記五帝本紀集解

立秋乃施鞭扑

虞世南北堂書

鈔卷四

十五

金作贖刑

金黃金也意善功惡使出金贖罪坐不戒慎者

史記

五帝本

紀集解

流共工于幽陵放驩兜于崇山

今注疏本作幽洲依史記引作幽陵

八姁奴節補校

幽陵北裔也崇山南裔也

史記五帝本紀集解
王幼學綱目集覽

竄三苗于三危殛鯀于羽山

三苗國名也

文釋籍雲氏之後爲諸侯蓋發發也三

危西裔也殛誅也羽山東裔也

同上

有能奮庸熙帝之載

奮明庸功也

史記五帝
本紀集解

惟時懋哉

懋美也

文釋

黎民祖飢

祖始也

毛詩釋文

敬敷五教

五品之教

史記五帝本紀集解

汝作士五刑有服五服三就

士獄官之長三就謂大罪陳諸原野次罪于市朝同族適甸師氏既伏五刑當就三處

五流有宅五宅三居惟明克允

謂在八議君不忍刑宥之以遠五等之差亦有三等之居大罪投四裔次九州之外次中國之外當

尚書馬氏傳

卷一

九如姬館補校

三十四

明其罪能使信服之

帝曰疇若予工

謂主百工之官也

並同上

汝共工

爲司空共理百工之事

同上尚書全解卷三

帝曰疇若予上下草木鳥獸禹曰益哉

釋文僉鄭馬王本皆作禹

上謂原下謂隰

史記五帝本紀集解

汝作朕虞

虞掌山澤之官名

同上

有能典朕三禮

三禮天神地祇人鬼之禮也

史記五帝本紀集解
虞世南北堂書鈔

卷八十 太平御覽卷五百二十二

教胄子

胄長也教天下之子弟

釋文

直而溫寬而栗

正直而色溫而寬大而謹敬戰栗也

史記五帝本紀集解

朕聖讒說殄行

殄絕也絕君子之行

吳志吳主傳
裴松之注

汝二十有二人

稷契皋陶皆居官久有成功但述而美之無所復

敕禹及垂已下皆初命六人十二牧四岳凡二十

二人

史記五帝本紀集解

皋陶謨

何憂乎驩兜何遷乎有苗何畏乎巧言令色孔壬

禹為父隱故不言鯀也

正義史記集解引鄭元注同

日宣三德夙夜浚明有家

浚大也

釋文文選顏延年皇太子釋奠會詩注

曰嚴祗敬六德亮未有邦

嚴魚檢反

釋文

亮信采事也

正義

史記

俊父在官

才德過千人為俊百人為父

正義引馬王鄭

釋文

庶績其凝

凝定也

釋文

一日二日萬幾

一日二日猶日日也

正義引馬王

天叙五典

釋文有典馬本作五典

自我五禮五庸哉

釋文有五庸焉本作五庸焉

天明威自我民明威

釋文畏焉本作威

思曰贊贊襄哉

襄因也

釋文

暨益奏庶鮮食

鮮生也

同上

暨稷播奏庶根食鮮食

釋文根焉本作根

根食根生之食謂百穀

釋文

予欲左右有民汝翼

我欲左右助民汝當翼成我也

史記夏本
禮集解

予欲觀古人之象日月星辰山龍華蟲作繪宗彝藻

火粉米黼黻絺繡以五采彰施于五色作服汝明

釋文

會馬鄭

作繪

彝音夷絺初私反又勑其反

釋文

此經上句日月星

辰山龍華蟲尊者在上下句藻火粉米黼黻尊者

在下黼黻尊於粉米粉米尊於藻火故從上以尊

卑差之士服藻火大夫加以粉米并藻火爲四章

天子服日月而下十二章諸侯自龍衮而下至黼

敝八章

正義云孔以此經至為四章云馬融不見孔傳其注亦以為然天子二句據正義補

弼成五服至于五千

面五千里為方萬里

釋文

夏擊鳴球

夏樂也

釋文正義

祖考來格

言祖考此是舜除瞽瞍之喪祭宗廟之樂

正義

鳥獸跄跄

鳥獸笱簋也

釋文劉敞七經小傳王應麟困學紀聞

元首叢勝哉

叢總也勝小也

文釋

尚書馬氏傳卷二

虞夏書

禹貢

禹敷土

敷分也

釋文 史記 夏本紀集解

奠高山大川

定其差秩禮所視也

史記 夏本紀集解

冀州既載

載載于書也

文 祥

壺口沿梁及岐

壺口山名

至于衡漳

衡水名

厥土惟白壤

壤天性和美也

厥賦惟上上錯

地有上下相錯通率第一

厥田惟中中

土地有高下

島夷皮服

島夷東北夷國

並同上

夾石碣石入于海

冀州不書其界者時帝都之使若廣大

正義引馬鄭

厥土黑墳厥草惟繇厥木惟條

墳有膏肥也繇抽也

釋文尚書
纂傳卷四

作十有三年乃同

釋文載馬
鄭本作年

禹治水三年八州平故堯以為功而禪舜繇既九

年又加三年為十二年惟沈州未得盡平至明年

乃平正義年已下平作畢又辭典正義引先儒馬融等解既九

記卷十三法
玉海卷十七

大野既豬

水所停止深者曰豬釋文

岯夷既略

岯夷地名用功少曰略史記夏本紀集解

草木漸包

包相匱裏也釋文

淮夷蠙珠暨魚

淮夷二水名

厥草惟夭

天長也並同上

厥土惟塗泥

塗泥漸洳也史記夏本紀集解太平御覽卷三十七

璫璣篠簜釋文璫馬本作璫

均干治海釋文治馬本作均

均均平釋文

尚書馬氏專

沱潛既道

沱湖也其中泉出而不流者謂之潛

杞榦枯柏

枯白枯也並同上

惟箇簠楷

楷木名可以為箭

釋文卷一 傳寅禹貢集解 尚書纂傳卷四

三邦底貢厥名

言箇簠楷三國所致貢其名美也

史記夏本紀集解

包匭菁茅

背音精

釋文引徐音云馬同

厥篚立纁機組

幾其依反又音機組文也

釋文

九江納錫大龜

納入也

同上

榮播尤猪

釋文波馬作播正義鄭王皆作榮播

榮播澤名

釋文正義

厥土惟壤下土墳壚

豫州地有三等下者墳壚也豫州地青

史記夏本紀集解

太平御覽
卷三十七

和夷底績

和夷地名也

史記夏本紀集解

厥土青黎

黎小疏也

釋文

厥貢璆鐵銀鏤

璆居蚪反又閭幼反

釋文引徐云馬同

西傾因桓是來

治西傾山惟因桓水是來言無餘道也

史記夏本紀集解

水經注卷二十六 尚書全
解卷九 禹貢集解卷一

涇屬渭汭

屬入也

釋文

織皮崑崙析支渠搜西戎卽叙

昆侖在臨羌西析支在河關西

釋文 禹貢集解卷一

導開及岐

釋文 駢馬本作開

三條導汧爲北條西傾爲中條岷冢爲南條

正義引馬

融王肅無爲字

史記夏本紀索隱 東坡書傳

卷五

尚書全解卷十 程大昌禹貢論卷上

又禹貢山川地理圖

禹貢集解卷二 禹貢指

南卷一

胡士行尚書詳解卷三 董鼎書集傳

梅錄纂注卷二

陳師凱書傳旁通卷二

劉三

吾等書傳會選

卷二

金履祥通鑑前編卷一

玉海卷二十一

洪适隸釋卷三

小學

紺珠卷二

章

樵古文苑注卷十八

至于合黎

合黎地名

釋文

書集傳輯錄纂注卷二

陳棟

餘波入于流沙

流沙地名

史記夏本紀集解

導河積石至于龍門

北條行河中條行渭洛濟淮南條行江東

黃度書說卷二

又東爲滄浪之水

滄浪夏水即漢河之別流也

史記夏本紀索隱引馬融鄭元

過三滢

三滢水名也

水經注卷四十引馬融王肅

又東至于醴

今注疏本作醴依史記引作醴

醴水名

史記夏本紀集解引馬融王肅

東迤北

迤靡也

文釋

三百里納秸服

秸去其穎

同上

百里采

采事也各受王事者

史記夏本紀集解

三百里夷二百里蔡

夷易也蔡法也受王者刑法而已

釋文薛季宣晉古文訓卷三

史記夏本紀集解引下句

五百里荒服三百里蠻二百里流

荒政教荒忽因其故俗而治之蠻慢也禮簡怠慢

來不距去不禁流流行無城郭常居

史記夏本紀集解

服之外每百里爲差所納總銓結粟米者是甸服

之外特爲此數其侯服之外每言三百二百里者

還就其服之內別爲名耳非是服外更有其地也

詩商頌殷武正義引賈逵馬融甸服之外百里至五百里特有此

數去王城千里其侯綏要荒服各五百里是面三

千里相距爲方六千里正義引賈逵馬融同誓全解卷十一皆古文訓

卷三 兩頁 集解卷二

甘誓

有扈氏

有扈氏與夏同姓正義引孔馬鄭王與皇甫謐等

息棄三正

二正建子建丑建寅三正也

釋文音集傳斬錄纂注卷二書傳纂

疏卷二六經

天文編卷上

天用巢絕其命

釋文勅馬本作巢

商書

湯誓

非台小子

台我也

史記殷本紀集解冊府元龜卷五

夏王率過衆力

遏止也

釋文

有眾率怠弗協

眾民相率怠墜不和同

史記殷本紀集解
刑府元龜卷五

盤庚

盤庚遷于殷

盤庚祖乙曾孫祖丁之子不言盤庚誥何非但錄

其詰也取其徙而立功故以盤庚名篇

釋文
尚書全解卷

十八

不常厥邑于今五邦

五邦謂商丘毫懿相耿也

釋文王應麟通鑑略理通釋卷四小學紺

珠卷

二

若鯁木之有由枿

釋文槩本又作枿引馬正作枿

顛木而辨生曰枿

釋文書集傳輯錄纂注卷三

曰無或敢伏小人之攸箴

箴諫也

釋文

今汝聒聒

聒聒拒善自用之意

釋文正義引王肅同

不昏作勞

釋文昏馬同木或作勞

相時儉民

相視也儉利小小見事之人也

釋文

自作弗靖

靖安也

釋文尚書集傳卷十四上

遲任有言曰

遲任古老成人

釋文正義引王書同

乃語民之弗率誕告用單其有衆

釋文又單其本作單

話告也言也單誠也

釋文尚書集傳卷十四中

咸造

造在阜反爲也

釋文

爾沈不屬

屬獨也

同上

高宗彤日

典祀無豐于昵

昵考也謂禰廟也

釋文卷三

書集傳輯錄卷三

西伯戡黎

格人元龜罔敢知吉

元龜大龜也長尺二寸

史記終本紀集解

乃異多參在上

參字果在上釋文

微子

我祖底遂陳于上

我祖成湯也史記宋微子世家集解

我用沈酗于酒用亂敗厥德于下

下下世也

卿士師師非度

非但小人學為姦矣卿士已下轉相師效為非法

度之事

殷遂喪越至于今

越于已于是至矣于今到矣

曰父師少師

重呼告之

吾家耄遜于荒

卿大夫稱家

今爾無指告予顛躋若之何其

躋猶墜也恐顛墜于非義由如之何也

並同上

今般民乃攘竊神祇之犧牷牲

因來而竊曰攘往盜曰竊天曰神地曰祇釋文

微子世

家集解

用乂稠斂

釋文警馬本作稠

稠數也斂力豔反賦斂也釋文

我舊云刻子

云言也刻侵刻也

自清人自獻于先王我不顧行遜釋文靖馬本作清

清潔也

並同上

尚書馬氏傳卷三

周書

泰誓

按馬氏所注者今文泰誓

惟四月太子發上祭于畢

畢文王墓地名

史記周本紀集解孟子離婁下孫奭疏水經注卷五

乃告司馬司徒司空諸節

諸受符節有司也

史記周本紀集解

師尚父左杖黃鉞右把白旄以號曰蒼兕蒼兕

蒼兕主舟楫官名

史記齊大公世家索隱

尚書馬氏傳卷三

太子發升舟中流白魚入于王舟

魚書介鱗之物兵象也白者殷家之正色言殷之

兵衆與周之象也

史記周本紀集解

至于五日有火自上復于下至于王屋流之爲鴈其

色赤其聲魄

王屋王所居屋流行也魄然安定意也上同明武王

能伐紂

史記周本紀索隱

今殷王紂乃用其婦人之言白紂子天毀壤其三正

動逆天地人也

史記周本紀集解

牧誓

時甲子昧爽

昧未旦也

釋文

右秉白旄以麾

白旄旄牛尾

同上

嗟我友邦冢君

冢大也

史記周本紀集解

及庸蜀羌髳微盧彭濮人

武王所率將來伐紂也

同上

弗迓克奔以役西土

禦禁也役爲也爲于俗反

釋文劉三吾等書傳會選卷四

洪範

惟天陰臨下民

陰覆也臨升也升猶舉也舉猶生也

釋文

初一日五行

從五行已下至六極洛書文也

釋文書集傳或問卷下正義引

無從及至六極四字

次三曰農用八政

食爲入政之首故以農名之

文釋

次九曰嚮用五福威用六極

言天所以嚮勸人用五福所以畏懼人用六極

史記

朱微子世家集解 案更記集解引無上句王氏
鳴盛云馬注此條僞孔傳與之同應劭漢書五行
志注亦同而裴駰史記集解采馬注脫
去嚮勸人用五福六字今以意增從之

金曰從革

金之性從火而更可銷鑠

史記宋微子世家集解
續漢書五行傳劉昭

注

言曰從

發言當使可從

史記宋微子世家集解

思曰睿

睿通也

同上釋文

從作义

出令而從所以為治也

史記微子世家集解

聰作謀

上聰則下進其謀

同上續漢書五行志注

四曰司空五曰司徒六曰司寇

司空掌營城郭王空土以居民司寇主誅寇害

史記

米微于世
家集解

四曰星辰

星二十八宿辰日月之所舍也

敘時五福用敷錫厥庶民

當敘是五福之道用布與衆民

惟時厥庶民于汝極

以其能敘五福故衆民于汝取中正以歸心也

凡厥庶民有猷有爲有守汝則念之

凡其衆民有謀有爲有所執守當思念其行有所

趣舍也

並同上

亡侮災獨而畏高明

釋文無虐馬本作亡侮

高明顯寵者不枉法畏之

史記宋微子世家集解

無有作好

好私好也

無反無側

反反道也側傾側也

曰皇極之敷言是彝是訓于帝其順

王者當盡極行之使臣下布陳其言是大中而常

行之用是教訓于天下于天爲順也

凡厥庶民極之救言

亦盡極救陳其言于上也

並同上

二曰剛克三曰柔克

克勝也

釋文

沈潛剛克高明柔克

沈陰也潛伏也陰伏之謀謂賊臣亂子非一朝一

夕之漸君親無將將而誅高明君子亦以德懷也

史記宋微子

世家集解

惟辟作福惟辟作威惟辟玉食

辟君也玉食美食不言王者關諸侯也

同上

民川僭忒

忒惡也

釋文

占用二衍忒

占用二占筮也行以淺反

子孫其逢吉

逢大也

並同上

曰王省惟歲

言王者所省職如歲兼四時也史記宋微子世家集解

星有好風星有好雨

箕星好風畢星好雨同上

一曰凶短折

凶終也釋文

金縢

為三壇同壇

壇土堂釋文

是有丕子之責于天

尚書馬氏傳卷三

據其自注
十卷五十五

丕普悲反

同上

乃命于帝庭敷佑四方

武王受命于天帝之庭布其道以佑助四方

史記魯周

公世家
集解

今我卽命于元龜

元龜大龜也

爾之許我我其以璧與珪歸俟爾命

待汝命武王當愈我當死也

並同上

啓篇見書

箴藏小兆書管

釋文書傳
會選卷四

茲攸俟能念予一人

一人天子也

史記魯周公
世家集解

我之弗辟

辟音避

釋文引
馬鄭

對曰信懿公命我勿敢言

釋文噫馬
本作懿

懿猶億也

釋文

惟朕小子其親迎

釋文新迎馬
本作親迎

天乃雨反風

反風風還反也

史記魯周公世家集解

凡大木所偃盡起而築之

築拾也

釋文

禾為木所偃者起其木拾其下禾乃無

所亡失也

史記魯周公世家集解兩雅釋言那昂疏引起其禾二句無下字

大詰

王若曰大詰繇爾多邦

釋文猷大詰爾多邦馬本作大詰繇爾多邦

天降害于我家弗少延

釋文割馬本作害不馬讀弗少延為句

殷小腆

腆至也

釋文

知我國有疵

疵瑕也

予造天役

造遺也

並同上

康誥

康圻內國名

孔傳正義云馬王亦然

惟三月哉生魄

魄朏也謂月三日始生朏朏名曰魄

釋文六書故卷一

今民將祗適乃文考

通述也

釋文真德秀讀書記乙集卷二案注疏所采經典釋文誤作和述也今從原本

正訂

酒誥

成王若曰

釋文王若曰馬本作成王若曰正義馬鄭王以文涉三家而有成字

言成王者未聞也俗儒以爲成王骨節始成故曰

成王或曰以成王少成二聖之功生號曰成王沒

因爲謚衛賈以爲戒成康叔以慎酒成就人之道

也故曰成此三者吾無取焉吾以爲後錄書者加

之未敢專從故曰未聞也

釋文

明大命于妹邦

妹邦即牧養之地同上

自洗腆致用酒

洗盥也

釋文案注疏所采釋文脫此句據原本錄

祇保曰怨不易

易以鼓反

釋文

矧惟若壽圻父

詩釋文若壽此古時字本亦作壽孔注尚書直留反馬鄭音受王氏鳴盛

日本亦作壽者馬鄭本也

壽音受

詩釋文

薄違農父

違行也

釋文

杵材

釋文杵本亦作杵據所引馬注則馬本正作杵

杵古作梓字治木器曰梓治土器曰陶冶金器曰

治

釋文

戕敗人宥

戕殘也

釋文案周禮大司馬疏引鄭注同

既勤垣墉惟其土堅茨

卑曰垣高曰墉堅壘色

釋文七下

尚書纂傳卷二十一
晉集傳幀珠纂注

卷四 書傳

纂疏卷四

既勤樸斲惟其塗丹雘

樸未成器也雘善丹也

釋文 書傳 會選卷四

皇天既附中國民

釋文 付馬 本作附

名詁

王朝步自周則至于豐

周鎬京也豐文王廟所在朝者舉事尚朝將卽土

中易都大事故告文王武王廟

史記魯周公 世家集解

其作大邑

王國東都王城今河南縣是也

正義引周禮大司徒下引馬融是周

官傳也然是一家語據正義補

洛誥

我二人共貞

貞當也

釋文

厥攸灼叙弗其絕

讀叙字屬下

頌朕不暇

頌猶也

並同上

汝乃獲不獲

獲勉也

釋文引馬王

旁作穆穆迓衡

迓魚據反

釋文引馬鄭王

乃單文祖德

單丁但反信也

釋文

王在新邑烝祭歲

王在新邑絕句

釋文引孔馬

王入太室裸

太室廟中之夾室

釋文

惟周公誕保文武受命惟七年

受命絕句惟七年周公攝政七年天下太平

同上

多士

旻天大降喪于殷

秋曰旻天秋氣殺也方言降喪故稱旻天也

釋文

非我小國敢異殷命

釋文弋本作

翼取也

釋文案正義引王注同

禱于時夏弗克庸帝

時範句釋文

大淫屑有辭

釋文决馬本作屑

屑過也

同上

誕淫厥汰罔顧于天顯民祇

紂大淫樂其逸無所能顧念于天施顯道于民而

敬之也

史記魯周公世家集解

予惟四方罔攸賓

賓卻也

釋文

無逸

傲恭寅畏

科文殿馬本作優

治民祇懼不敢荒寧

知民之勞苦不敢荒廢自安也

史記魯周公世家集解冊府元龜

卷五十八

其在高宗時舊勞于外爰暨小人

武丁為太子時其父小乙使行役有所勞苦于外

與小人從事知小人艱難勞苦也

史記魯周公世家集解

作其即位乃或亮陰三年不言

亮信也陰默也為聽于冢宰信默而不言

春秋隱元先正

通典卷八十義書禮志杜佑段暢議

不敢荒寧嘉靖殷邦

寧安也史記魯周公世家集解

其在祖甲

祖甲武丁子帝甲也

不義惟王久爲小人史記作久爲小人集解引馬注亦作久

祖甲有兄祖庚而祖甲賢武丁欲立之祖甲以王

廢長立少不義逃亡民間故曰不義惟王久爲小

人也武丁死祖庚立祖庚死祖甲立並同上

文王俾服

釋文卑馬本作俾

俾使也

釋文

民無或胥斡張作約

釋文諱馬本作斡案注疏所采釋文脫此句

君夷

其崇出于不祥

崇充也

釋文

案注疏所采誤作崇受也

我迪惟寧王德延

釋文我道馬本作我迪

在大戊時則有若伊陟臣扈格于上帝

格至也道至于上帝謂奉天時也

史記燕召公世家集解

有若南君

釋文南宮氏括名也馬本作南君

廸見勗

釋文冒馬本作勗

勵勉也

釋文

我則鳴鳥不聞

鳴鳥謂鳳皇也

同上

多方

終日勸于帝之攸

釋文廸馬本作攸

攸所也

釋文

圖厥政不蠲罔

蠲明也烝升也

同上

爾罔不克剝

釋文臬馬作剝

立政

其在受德腎

受德受所爲德也

釋文

相我受民

相息亮反下勸相同

用儉人

儉利佞人也

並同上

其克詰爾戎兵

詰實也

釋文案注疏所采釋文誤作實也從原本改

顧命

惟四月哉生魄王不釋

釋文釋馬本作不釋

不釋疾不解也

釋文

甲子王乃洮頰水

洮洮髮也頰頰面也

昔君文王武王宣重光

重光日月也太極上元十一月朔旦冬至日月如

疊壁五星如連珠故曰重光並同

在後之訓釋文例馬本作訓

訓共也釋文

爾無以劍易瓚于非幾釋文昌馬鄭作易貢馬鄭王作登

頊陷也釋文並脫據原本錄案注疏采釋

越翼日乙丑成王崩釋文王崩馬本作成王崩

安民立政曰成釋文

敷重殷席

經緯第釋文薛季宣古文訓卷十三

敷重底席

底青蒲也

同上

敷重筭席

筭筭

釋文

古文

訓

卷十三

引作

筭筭

戴侗

六書故

卷二十三

引作

筭筭

筭筭

越玉五重陳寶

越玉越地所獻玉也

釋文

大玉夷玉天球河圖

夷玉東夷之美玉球玉磬

釋文

尚書全解卷三

十八玉海

卷八十七

尚書馬氏傳卷三

書大傳卷三
十卷六十五

大輅在賓階面綴輅在阼階面先輅在左塾之前次

輅在右塾之前

不陳戎輅者兵事非常故不陳之

正義引馬融王肅尚書全解

卷三十七 尚書

虞傳卷三十八

一人駢弁執戈

釋文蔡馬本作駢

駢青黑色

釋文

上宗奉同瑁

同者大同天

吳志虞翻傳裴松之注

王三宿三祭三

託釋文託馬作託

完丁故反莫醉

釋文引說文云云馬作記與說文音義同

宅授宗人同

宅如字

釋文

誕受美若

美道也

釋文案正義引王注同

康王之誥

王若曰庶邦侯甸男衛惟予一人釗報誥

釋文馬本從此以下

為康王之誥正義馬鄭王本此篇自高祖寡命已上內于顧命之篇王若曰已下始為康王之誥

底至齊

底至齊讀絕句

釋文

呂刑

度作刑以誥四方

度如字法度也

釋文

蚩尤惟始作亂

蚩尤少昊之末九黎君名

鳴義姦尤

鳴輕也

皇帝清問下民

清制清訊

並同

折民惟刑

折音哲

釋文引馬鄭王

智也

釋文引馬

天齊于民矜我一

日

釋文伴馬作矜

齊中也矜哀也

釋文

王曰于來有邦有土告爾祥刑

釋文吁馬作于

于於也

釋文

何度非及

度造謀也

同上

五過之疵惟官惟反惟內惟貨惟求

釋文來馬本作求

求有所求請賊也

釋文

其罪惟均其克審之

以此五過出入人罪與犯法者等

史記周本紀集解

墨辟疑赦其罰百鍰

鍰六銖也銖十一銖二十五分銖之十三也

釋文引說

文云云

馬同

賈逵說俗儒以銖重六兩周官劬重九銖俗儒近

是

釋文史記平準書索隱引馬融云銖六兩

荆辟疑赦其罰倍差

倍二百爲四百銀也差者又如四百之三分一凡

五百三十三三分一也

史記原本
紀集解

今天相民

相息亮反助也

釋文

文侯之命

王若曰父義和

王順曰父能以義和我諸侯

史記晉世家集解
釋文引下句

尚書

全解卷
四十

昭升于上敷聞在下

昭明也上謂天下謂人

史記晉世家集解

費誓

汝則有大刑

大刑死刑

史記魯周公世家集解

峙乃楨榦甲戌我惟築無敢不供

楨榦皆築具楨在前榦在兩旁

同上

秦誓

訖訖勇夫

釋文訖馬作訖訖

訖訖無所省錄之貌釋文 山井鼎七經考文 案注疏 采釋文脫此條據原

錄本

惟截截善偏言釋文 謂馬 本作偏

截截辭截削省要也偏少也辭約指明大辨倭之

入釋文 毛居正 六經刊誤卷二

如有一介臣斷斷猗無他技

一介耿介一心端慤者釋文

尚書馬氏傳卷四

書序

薛又馬鄭之徒百篇之序總爲一篇

書序孔子所作

正義

虞夏書

昔在帝堯聰明文思光宅天下將遜于位讓于虞舜

作堯典

堯謚也翼善傳聖曰堯

文釋

帝釐下土方設居方別生分類作汨作

釐賜也理也

九共九篇彙飲

共已勇反法也

並同上

臯陶矢厥謨禹成厥功帝舜申之作大禹臯陶謨彙

稷

益稷王義馬鄭王所據清序此篇各彙稷

啓與有扈戰于甘之野作甘誓

有扈之國爲無道者甘有扈南郊地名軍旅曰誓

會同曰誥

釋文正義史記夏本紀集

尚書全解卷十二

水經注卷十九

太康失邦昆弟五人須于洛汭作五子之歌

須止也

釋文

商書

湯既勝夏欲遷其社不可作夏社疑至臣扈

疑至臣扈二臣名聖人不可自專復用二臣自明

也

正義

伊尹相湯伐桀升自陬遂與桀戰于鳴條之野作湯

誓

俗儒以湯爲謚或爲號號者似非其意言謚近之
然不在謚法故無聞焉俗儒以爲名帝系禹名文
命王侯世本湯名天乙推此言之禹豈復非謚乎

亦不在謚法故疑焉

堯典正義釋文

咎單作明居

咎單為湯司空也明居民之法也

正義史記殷本紀

集解

伊陟相大戊而有祥桑穀共生于朝伊陟贊于巫咸

作咸父四篇

大戊太甲子

釋文

巫男巫也名咸殷之巫也

釋文資治通

鑑卷八十九胡三省注 田學紀聞卷九艾治也

釋文史記殷本紀集解

大戊贊于伊陟作伊陟原命

原臣名也命原以禹湯之道我所修也

史記殷本紀集解

祖乙圮于耿作祖乙

圮毀也

釋文

高宗夢得說使百工營求諸野得諸傅巖作說命三

篇

高宗始命爲傅氏

正義

殷始咎周周人乘黎祖伊恐奔告于受作西伯戡黎

咎周者爲周所咎受讀曰紂或曰受婦人之言故

號曰受也

釋文

殷既錯天命微子作誥父師少師

錯廢也同上

周書

武王勝殷殺受立武庚以箕子歸作洪範

箕國名也子爵也箕子紂之諸父

趙汝樸周易輯聞卷四史記

宋微子世家集解

西旅獻豪太保作旅豪

釋文豪馬作豪

豪酋豪也

釋文

武王有疾不豫周公作金縢

釋文有疾馬本作有疾不豫

成王既伐管叔蔡叔以殷餘民封康叔作康誥酒誥
梓材

康國名在畿內

正義

召公爲保周公爲師相成王爲左右召公不說周公
作君夷

保氏師氏皆大夫官左右分陝爲二伯東爲左西
爲右

釋文

召公以周公既攝政致太平功配文武不

宜復列在臣位故不說以爲周公苟貪寵也

史記燕召

公世家集解

成王東伐淮夷遂踐奄作成王征

釋文政馬作征

踐似淺反征正也

釋文

成王既踐奄將遷其君于薄姑周公告召公作將薄

姑

釋文蒲馬本作薄

薄姑齊地

史記周本紀集解

成王既伐東夷息慎來貢王辨榮伯作賄息慎之命

釋文肅慎馬本作

息慎俾馬本作辨

息慎北夷也

釋文

榮伯周同姓畿內諸侯爲卿大夫

也

史記周本紀集解

成王將崩命名公畢公率諸侯相康王作頌命

成王將崩顧念康王命名公畢公率諸侯輔相之

釋文案注疏采釋文

念誤作命據原本正

成王崩康王既尸天子遂誥諸侯作康王之誥

釋文馬本

康王上更有成王崩三字

王賜晉文侯秬鬯圭瓚作文侯之命

釋文平王馬無平字錫馬本作

賜

晉侯伯禽宅曲阜徐夷並興東郊不闢作費誓

釋文開馬

本作

闕